



文選正文

山子集

七

~ 16  
3275  
8



門 16  
號 3275  
卷 8

文選正文卷之七

詩類

古詩十九首 五言

行行重行行。與君生別離。相去萬餘里。各在天一涯。道路阻且長。會面安可知。胡馬依北風。越鳥巢南枝。相去日已遠。衣帶日已緩。浮雲蔽白日。游子不顧返。思君令人老。歲月忽已晚。棄捐勿復道。努力加餐飯。青青河畔草。鬱鬱園中柳。盈盈樓上女。皎皎當窗牖。娥紅粉粧。纖纖出素手。昔爲娼家女。今爲蕩子婦。蕩子行不歸。空牀難獨守。青青陵上柏。磊磊澗中石。人生天地間。忽如遠行客。斗酒相娛樂。聊厚不爲薄。驅車策駑馬。遊戲宛與洛。洛中何鬱鬱。冠帶自相索。長衢羅夾

文選正文卷之七

昭和29年5月6日寄  
今田外代  
贈

巷王侯多第宅。兩宮遙相望。雙闕百餘人。極宴娛心意。戚戚何所迫。今日良宴會。歡樂難具陳。彈箏奮逸響。新聲妙入神。令德唱高言。識曲聽其真。齊心同所願。含意俱未申。人生寄一世。奄忽若飈塵。何不策高足。先據要路津。無爲守窮賤。軼軻長苦辛。西北有高樓。上與浮雲齊。交疏結綺窗。阿閣三重階。上有絃歌聲。音響一何悲。誰能爲此曲。無乃杞梁妻。清商隨風發。中曲正徘徊。一彈再三歎。慷慨有餘哀。不惜歌者苦。但傷知音稀。願爲雙鳴鶴。奮翅起高飛。涉江采芙蓉。蘭澤多芳草。采之欲遺誰。所思在遠道。還顧望舊鄉。長路漫浩浩。同心而離居。憂傷以終老。明月皎夜光。促織鳴東壁。玉衡指孟冬。衆星何歷歷。白露霏野草。時節忽復易。秋蟬鳴樹間。玄鳥

逝安適。昔我同門友。高舉振六翮。不念攜手好。棄我如遺跡。南箕北有斗。牽牛不負輓。良無磐石固。虛名復何益。再內狐生竹。結根泰山阿。與君爲新婚。屯絲附女蘿。兔絲生有時。夫婦會。有宜。千里遠。結婚悠悠隔山陂。思君令人老。軒車來何遲。傷彼蕙蘭花。含英揚光輝。過時而不采。將隨秋草萎。君亮執高節。賤妾亦何爲。庭中有奇樹。綠葉發華滋。攀條折其榮。將以遺所思。馨香盈懷袖。路遠莫致之。此物何足貴。但感別經時。迢迢牽牛星。皎皎河漢女。纖纖擢素手。札札弄機杼。終日不成章。泣涕零如雨。河漢清且淺。相去復幾許。盈盈一水間。脈脈不得語。迢迢車駕言邁。悠悠涉長道。四顧何茫茫。東風搖百草。所遇無故物。焉得不速老。盛衰各有時。立身苦不早。

人生非金石。豈能長壽考。奄忽隨物化。榮名以爲寶。東城高  
且長。逶迤自相屬。迴風動地起。秋草萋已綠。四時更變化。歲  
暮一何速。晨風懷苦心。蟋蟀傷局促。蕩滌放情志。何爲自結  
束。燕趙多佳人。美者顏如玉。被服羅裳衣。當戶理清曲。音響  
一何悲。絃急知柱促。馳情整巾帶。沈吟聊躑躅。思爲雙飛燕。  
銜泥巢君屋。驅車上東門。遙望郭北墓。白楊何蕭蕭。松柏火  
廣路。下有陳死人。杳杳卽長暮。潛寐黃泉下。千載永不寤。浩  
浩陰陽移。年命如朝露。人生忽如寄。壽無金石固。萬歲更相  
送。賢聖莫能度。服食求神仙。多爲藥所誤。不如飲美酒。被服  
絺與素。去者日以疎。生者日以親。出郭門直視。但見丘與墳。  
古墓犁爲田。松柏摧爲薪。白楊多悲風。蕭蕭愁殺人。思還故

里間。欲歸道無因。生年不滿百。自當懷千歲。憂晝短。苦夜長。何  
不秉燭遊。爲樂當及時。何能待來茲。愚者愛惜費。但爲後世  
嗤。仙人王子喬。難可與等期。凜凜歲云暮。嘒嘒夕鳴悲。涼風  
率已厲。游子寒無衣。錦衾遺洛浦。同袍與我違。獨宿累長夜。  
夢想見容輝。良人惟古懽。枉駕惠前綏。願得常巧笑。携手同  
車歸。旣來不須臾。又不處重闈。亮無晨風翼。焉能凌風飛。眇  
眇以適意。引領遙相睎。徙倚懷感傷。垂涕霑雙扉。孟冬寒氣  
至。北風何慘慄。愁多知夜長。仰觀衆星列。三五明月滿。四五  
蟾兔缺。客從遠方來。遺我一書札。上言長相思。下言久離別。  
置書懷袖中。三歲字不滅。一心抱區區。懼君不識察。客從遠  
方來。遺我一端綺。相去萬餘里。故人心尚爾。文綵雙鴛鴦。裁

爲合歡被著以長相思緣以結不解以膠投漆中誰能別離  
此明月何皎皎照我羅牀帷憂愁不能寐攬衣起徘徊客行  
雖云樂不如早旋歸出戶獨徬徨愁思當告誰引領還入房  
淚下霑裳衣

與蘇武詩三首

李陵

良時不再至離別在須臾屏營衢路側執手野踟躕仰視浮  
雲馳奄忽互相踰風波一失所各在天一隅長當從此別且  
復立斯須欲因晨風發送子以賤軀  
嘉會難再遇三載爲千秋臨河濯長纓念子悵悠悠遠望悲  
風至對酒不能酬行人懷往路何以慰我愁獨有盈觴酒與  
子結綢繆

携手上河梁游子暮何之徘徊踐路側悵悵不能離行人難  
久留各言長相思安知非日月弦望自有時努力崇明德皓  
首以爲期

詩四首

蘇武

骨肉緣枝葉結交亦相因四海皆兄弟誰爲行路人况我連  
枝樹與子同一身昔爲鴛與鴦今爲參與辰昔者常相近邈  
若胡與秦惟念當離別恩情日以新鹿鳴思野草可以喻嘉  
賓我有一罇酒欲以贈遠人願子畱斟酌叙此平生親  
黃鵠一遠別千里顧徘徊胡馬失其羣思心常依依何况雙  
飛龍羽翼臨當垂幸有絃歌曲可以喻中懷請爲游子吟冷  
冷一何悲絲竹厲清聲慷慨有餘哀長歌正激烈中心愴以

摧欲展清商曲。念子不能歸。俛仰內傷心。淚下不可揮。願爲雙黃鵠。送子俱遠飛。

結髮爲夫妻。恩愛兩不疑。歡娛在今夕。嫵婉及良時。征夫懷往路。起視夜何其。參辰皆已沒。去去從此辭。行役在戰場。相見未有期。握手一長歎。淚爲生別滋。努力愛春花。莫忘歡樂時。生當復來歸。死當長相思。

燭燭晨明月。馥馥我蘭芳。芬馨良夜發。隨風聞我堂。征夫懷遠路。遊子戀故鄉。寒冬十二月。晨起踐嚴霜。俯觀江漢流。仰視浮雲翔。良友遠離別。各在天一方。山海隔中州。相去悠且長。嘉會難兩遇。歡樂殊未央。願君崇令德。隨時愛景光。

四愁詩四首 七言并序

張衡

張衡不樂久處機密。陽嘉中出爲河間相。時國王驕奢不遵法度。又多豪右。并兼之家。衡下車治威嚴。能內察屬縣。姦猾行巧劫。皆密知名。下吏收捕。盡服擒。諸豪俠游客悉惶懼。逃出境。郡中大治。爭訟息。獄無繫囚。時天下漸弊。鬱鬱不得志。爲四愁詩。屈原以美人爲君子。以珍寶爲仁義。以水深雪雰爲小人。思以道術相報。貽於時君。而懼讒邪。不得以通其辭。曰。

一思曰。我所思兮在太山。欲往從之梁父艱。側身東望涕霑翰。美人贈我金錯刀。何以報之英瓊瑤。路遠莫致倚道遙。何爲懷憂心煩勞。

二思曰。我所思兮在桂林。欲往從之湘水深。側身南望涕霑

襟美人贈我金琅玕。何以報之雙玉盤。路遠莫致倚惆悵。何爲懷憂心煩傷。

三思曰。我所思兮在漢陽。欲往從之隴阪長。側身西望涕霑裳。美人贈我貂襜褕。何以報之明月珠。路遠莫致倚踟躕。何爲懷憂心煩紆。

四思曰。我所思兮在鴈門。欲往從之雪紛紛。側身北望涕霑巾。美人贈我錦繡段。何以報之青玉案。路遠莫致倚增歎。何爲懷憂心煩惋。

雜詩 五言

王粲

日暮游西園。冀寫憂思情。曲池揚素波。列樹敷丹榮。上有特棲鳥。懷春向我鳴。寒衽欲從之。路險不得征。徘徊不能去。佇

立望爾形。風颺揚塵起。白日忽已冥。迴身入空房。託夢通精誠。人欲天不違。何懼不合并。

雜詩

劉楨

職事煩填委。文墨紛消散。馳翰未暇食。日昃不知晏。沈迷簿領書。回回自昏亂。釋此出西城。登高且游觀。方塘含白水。中有鳧與鴈。安得肅肅羽。從爾浮波瀾。

雜詩二首

魏文帝

漫漫秋夜長。烈烈北風涼。展轉不能寐。披衣起徬徨。徬徨忽已久。白露霑我裳。俯視清水波。仰看明月光。天漢迴西流。三五正從橫。草蟲鳴何悲。孤鴈獨南翔。鬱鬱多愁思。緜緜思故鄉。願飛安得翼。欲濟河無梁。向風長歎息。斷絕我中腸。

西北有浮雲，亭亭如車蓋。惜哉時不遇，適與飄風會。吹我東南行，行行至吳會。吳會非我鄉，安能久留滯。棄置勿復陳，客子常畏入。

朔風詩 四言

曹植

仰彼朔風，用懷魏都。願騁代馬，倏忽北徂。凱風永至，思彼蠻方。願隨越鳥，翻飛南翔。四氣代謝，懸景運周。別如俯仰，脫若三秋。昔我初遷，朱華未希。今我旋止，素雪云飛。俯降千仞，仰登天阻。風飄蓬飛，載離寒暑。千仞易陟，天阻可越。昔我同袍，今永乖別。子好芳草，豈忘爾貽。繁華將茂，秋霜悴之。君不垂眷，豈云其誠。秋蘭可喻，桂樹冬榮。絃歌蕩思，誰與銷憂。臨川暮思，何爲泛舟。豈無和樂，游非我鄰。誰忘泛舟，愧無榜人。

雜詩六首 五言

曹植

高臺多悲風，朝日照北林。之子在萬里，江湖迥日深。方舟安可極，離思故難任。孤鴈飛南遊，過庭長哀吟。翹思慕遠人，願欲託遺音。形影忽不見，翩翩傷我心。

轉蓬離本根，飄颻隨長風。何意迴飈舉，吹我入雲中。高高上無極，天路安可窮。類此游客子，捐軀遠從戎。毛褐不掩形，薇藿常不充。去去莫復道，沈憂令人老。

西北有織婦，綺縠何繽紛。明晨秉機杼，日昃不成文。太息終長夜，悲嘯入青雲。妾身守空閨，良人行從軍。自期三年歸，今已歷九春。飛鳥繞樹翔，嗷嗷鳴素羣。願爲南流景，馳光見我君。



南國有佳人。容華若桃李。朝游江北岸。夕宿瀟湘止。時俗薄  
朱顏。誰爲發皓齒。俛仰歲將暮。榮耀難久恃。

僕夫早嚴駕。吾將遠行游。遠游欲何之。吳國爲我仇。將騁萬  
里塗。東路安足由。江介多悲風。淮泗馳急流。願欲一輕濟。惜  
哉無方舟。閑居非吾志。甘心赴國憂。

飛觀百餘尺。臨牖御櫺軒。遠望周千里。朝夕見平原。烈士多  
悲心。小人媮自閑。國讐亮不塞。甘心思喪元。拊劔西南望。思  
欲赴泰山。絃急悲聲發。聆我慷慨言。

情詩

曹植

微陰翳陽景。清風飄我衣。游魚潛綠水。翔鳥薄天飛。眇眇客  
行士。遙役不得歸。始出嚴霜結。今來白露晞。游子歎黍離。處

者歌式微。慷慨對嘉賓。悽愴內傷悲。

雜詩 四言

嵇康

微風清扇。雲氣四除。皎皎亮月。麗于高隅。興命公子。携手同  
車。龍驥翼翼。揚鑣踟躕。肅肅宵征。造我友廬。光燈吐輝。華幔  
長舒。鸞鶴酌醴。神鼎烹魚。絃超子野。歎過綿駒。流詠太素。俯  
讚玄虛。孰克英賢。與爾剖符。

雜詩 五言

傅玄

志士惜日短。愁人知夜長。攝衣步前庭。仰觀南鴈翔。玄景隨  
形運。流響歸空房。清風何飄颻。微月出西方。繁星依青天。列  
宿自成行。蟬鳴高樹間。野鳥號東廂。纖雲時髣髴。渥露霑我  
裳。良時無停景。北斗忽低昂。常恐寒節至。凝氣結爲霜。落葉

隨風摧一絕如流光

雜詩

張華

晷度隨天運。四時互相承。東壁正昏中。固陰寒節升。繁霜降當夕。悲風中夜興。朱火青無光。蘭膏坐自凝。重衾無暖氣。挾纈如懷冰。伏枕終遙昔。寤言莫予應。永思慮崇替。慨然獨撫膺。

情詩二首

張華

清風動帷簾。晨月照幽房。佳人處遐遠。蘭室無容光。襟懷擁虛景。輕衾覆空牀。居歡愒夜促。在感怨宵長。拊枕獨嘯歎。感慨心內傷。

游目四野外。逍遙獨延佇。蘭蕙緣清渠。繁華蔭綠渚。佳人不  
在茲。取此欲誰與。巢居知風寒。穴處識陰雨。不曾遠別離。安知慕儔侶。

園葵詩

陸機

種葵北園中。葵生鬱萋萋。朝榮東北傾。夕頽西南晞。零露垂鮮澤。朗月耀其輝。時逝柔風戢。歲暮商飈飛。曾雲無溫液。嚴霜有凝威。幸蒙高墉德。玄景蔭素蕤。豐條並春盛。落葉後秋衰。慶彼晚彫福。忘此孤生悲。

思友人詩

曹摅

密雲翳陽景。霖潦淹庭除。嚴霜彫翠草。寒風振纖枯。凜凜天氣清。落落亦木疎。感時歌蟋蟀。思賢詠白駒。情隨玄陰滯。心與迥飈俱。思心何所懷。懷我歐陽子。精義測神奧。清機發妙

理自我別句朔微言絕于耳。寒裳不足難清揚。未可俟延首  
出階檐。佇立增想似。

感舊詩一首

曹據

富貴他人合。貧賤親戚離。荆蘭門易軌。田實相奪移。長風集  
茂林。棲鳥去枯枝。今我唯困蒙。郡士所背馳。鄉人敦懿義。濟  
濟蔭光儀。對賓頌有客。舉觴詠露斯。臨樂何所歎。素絲與路  
岐。

雜詩

何劭

秋風乘夕起。明月照高樹。閉房來清氣。麝庭發暉素。靜寂愴  
然歎。惆悵出游顧。仰視垣上草。俯察階下露。心虛體自輕。飄  
飄若仙步。瞻彼陵上栢。想與神人遇。道深難可期。精微非所

慕。勤思終遙夕。永言寫情慮。

雜詩

王讚

朔風動秋草。邊馬有歸心。胡寧久分析。靡靡忽至今。王事離  
我志。殊隔過商參。昔往鶴鷓鳴。今來蟋蟀吟。人情懷舊鄉。客  
鳥思故林。師涓久不奏。誰能宣我心。

雜詩

棗據

吳寇未殄滅。亂象侵邊疆。天子命上宰。作蕃于漢陽。開國建  
元士。玉帛聘賢良。予非荆山璞。謬登和氏場。羊質服虎文。燕  
翼假鳳翔。既懼非所任。怨彼南路長。千里既悠邈。路次限關  
梁。僕夫罷遠涉。車馬困山岡。深谷下無底。高巖簷穿蒼。豐草  
停滋潤。霧露霑衣裳。玄林結陰氣。不風自寒涼。顧瞻情感切。

惻愴心哀傷士生則懸弧有事在四方安得恒逍遙端坐守  
閨房引義割外情內感實難忘

雜詩

左思

秋風何冽冽白露爲朝霜柔條日夕勁綠葉日夜黃明月出  
雲崖嗷嗷流素光披軒臨前庭嗷嗷晨鴈翔高志局四海塊  
然守空堂壯齒不恒居歲暮常慨慷

雜詩

張翰

暮春和氣應白日照園林青條若總翠黃華如散金嘉卉亮  
有觀顧此難久躑延頸無良塗頓足託幽深榮與壯俱去賤  
與老相尋歡樂不照顏慘愴發謳吟謳吟何嗟及古人可慰

雜詩十首

張協

秋夜涼風起清氣蕩暄濁蜻蛚吟階下飛蛾拂明燭君子從  
遠役佳人守笑獨離居幾何時鑽燧忽改木房櫓無行跡庭  
草萋以綠青苔依空墻蜘蛛網四屋感物多所懷沈憂結心

曲

大火流坤維白日馳西陸浮陽映翠林迴空扇綠竹飛雨灑  
朝蘭輕露棲叢菊龍蟄暄氣疑天高萬物蕭弱條不重結芳  
蕤豈再馥人生瀛海內忽如鳥過目川上之歎逝前修以自

勗

金風扇素節丹霞啓陰期騰雲似涌煙密雨如散絲寒花發  
黃采秋草含綠滋閑居玩萬物離羣戀所思案無蕭氏牘庭

無貢公。慕高尚。遺王侯。道積自成。甚至人不嬰物。餘風足染時。

朝霞迎白日。丹氣臨陽谷。霧霧結繁雲。森森散雨足。輕風摧勁草。凝霜竦高木。密葉日夜疎。叢林森如束。疇昔歎時遲。晚節悲年促。歲暮懷百憂。將從季主卜。

昔我資章甫。聊以適諸越。行行入幽荒。靡駭從祝髮。窮年非所用。此貨將安設。甕醜夸璵璠。魚日笑明月。不見郢中歌。能否居然別。陽春無和者。巴人皆下節。流俗多昏迷。此理誰能察。

朝登魯陽關。狹路峭且深。流澗萬餘丈。圍木數千尋。咆虎響窮山。鳴鶴聒空林。淒風爲我嘯。百籟坐自吟。感物多思情。在

險易常心。竭來戒不虞。挺轡越飛岑。主陽驅九折。周文走岑峯。經阻貴勿遲。此理著來今。

此鄉非吾地。此郭非吾城。羈旅無定心。翩翩如懸旌。出覩軍馬陣。入聞鞞鼓聲。常懼羽檄飛。神武一朝征。長鋏鳴鞘中。烽火列邊亭。捨我衡門衣。更被緦胡纓。疇昔懷微志。帷幕竊所經。何必操干戈。堂上有奇兵。折衝樽俎間。制勝在兩楹。巧遲不足稱。拙速乃垂名。述職投邊城。羈束戎旅間。下車如昨日。望舒四五圓。借問此何時。胡蝶飛南園。流波戀舊浦。行雲思故山。閩越衣文蛇。胡馬願度燕。土風安所習。由來有固然。結宇窮岡曲。耦耕幽藪陰。荒庭寂以閑。幽岫峭且深。淒風起東谷。有滄興南岑。雖無箕畢期。膚寸自成霖。澤雉登壘雉。寒

後擁條吟。硤壑無人跡。荒楚鬱蕭森。投耒循岸垂。時聞樵采音。重基可擬志。廻淵可比心。養真尚無爲。道勝貴陸沈。游思竹素園。寄辭翰墨林。

墨嶼躍重淵。商羊舞野庭。飛廉應南箕。豐隆迎號屏。雲根臨八極。雨足灑四溟。霖瀝過一旬。散漫亞九齡。階下伏泉涌。堂上水衣生。洪潦浩方割。人懷昏墊情。沈液漱陳根。綠葉腐秋莖。里無曲突煙。路無行輪聲。環堵自頽毀。垣間不隱形。尺蠶重尋桂。紅粒貴瑤瓊。君子守固窮。在約不爽貞。雖榮田方贈。慚爲溝壑名。取志於陵子。比足黔婁生。

時興詩

盧謏

亶亶圓象運。悠悠方儀廓。忽忽歲云暮。游原采蕭藿。北踰邛

與河南臨伊。與洛凝霜霑。蔓草悲風振。林薄撼撼芳。葉零藥芬華。落下泉激冽。清曠野增遼。索登高眺遐。荒極望無崖。嶠形變隨時。化神感因物。作澹乎至人心。恬然存玄漠。

雜詩二首

陶潛

結廬在人境。而無車馬喧。問君何能爾。心遠地自偏。采菊東籬下。悠然望南山。山氣日夕佳。飛鳥相與還。此還有真意。欲辯已忘言。

秋菊有佳色。裛露掇其英。泛此忘憂物。遠我達世情。一觴雖獨進。杯盡壺自傾。日入羣動息。歸鳥趨林鳴。嘯傲東軒下。聊復得此生。

詠貧士

陶潛

萬族各有託孤雲獨無依曖曖虛中滅何時見餘輝朝霞開  
宿霧衆鳥相與飛遲遲出林翮未夕復來歸量力守故轍豈  
不寒與飢知音苟不存已矣何所悲

讀山海經

陶潛

孟夏草木長繞屋樹扶疎衆鳥欣有託吾亦愛吾廬既耕亦  
已種且還讀我書窮巷隔深轍頗迴故人車歡言酌春酒摘  
我園中蔬微雨從東來好風與之俱泛覽周王傳流觀山海  
圖俛仰終宇宙不樂復何如

七月七日夜詠牛女

謝惠連

落日隱欄楹升月照簾櫳團團滿葉露析析振條風蹠足循  
廣除瞬目矚曾穹雲漢有靈匹彌年闕相從遐川阻昵愛修  
渚曠清容弄杼不成藻聳鸞驚前蹤昔雖秋已兩今聚夕無  
雙傾河易迴幹款情難久悰沃若靈駕旋寂寥雲幄空留情  
顧華寢遙心逐奔龍沈吟爲爾感情深意彌重

擣衣

謝惠連

衡紀無淹度晷運倏如催白露滋園菊秋風落庭槐肅肅莎  
雞羽烈烈寒蟬啼夕陰結空幕宵月皓中閨美人戒裳服端  
飾相招携簪玉出北房鳴金步南階欄高砧響發楹長杵聲  
哀微芳起兩袖輕汗染雙題紈素旣已成君子行未歸裁用  
笥中刀縫爲萬里衣盈篋自余手幽絨候君開腰帶准疇昔  
不知今是非

南樓中望所遲客

謝靈運

杳杳日西頽漫漫長路迫登樓爲誰思臨江遲來客與我別  
所期期在三五夕圓景早已滿佳人殊未適卽事怨睽携感  
物方悽戚孟夏非長夜晦明如歲隔瑤華未堪折蘭若已屢  
擗路阻莫贈問云何慰離析搔首訪行人引領冀良覲

田南樹園激流植援

謝靈運

樵隱俱在山由來事不同不同非一事養病亦園中園中屏  
氛雜清曠招遠風卜室倚北阜啓扉面南江激澗代汲井插  
槿當列壙羣木旣羅戶衆山亦當窻靡迤趨下田迢遞瞰高  
峯寡欲不期勞卽事罕人功唯開蔣生徑永懷求羊蹤賞心  
不可忘妙善冀能同

齋中讀書

謝靈運

昔余遊京華未嘗廢丘壑矧乃歸山川心跡雙寂寞虛館絕  
諍訟空庭來鳥雀臥疾豐暇豫翰墨時閒作懷抱觀古今寢  
食展戲謔旣笑沮溺苦又哂子雲閣執戟亦以疲耕稼豈云  
樂萬事難並歡達生幸可托

石門新營所在四面高山廻溪石瀨茂林修竹

謝靈運

躋險築幽居披雲臥石門苔滑誰能步葛弱豈可捫嫋嫋秋  
風過萋萋春草繁美人遊不還佳期何由敦芳塵凝瑤席清  
醕滿金樽洞庭空波瀾桂枝徒攀翻結念屬霄漢孤景莫與  
緩俯濯石下潭仰看條上猿早聞夕飈急晚見朝日暎崖傾  
光難畱林深響易奔感往慮有復理來情無存庶特乘日用



得以慰營魂。匪爲衆人說。冀與智者論。

雜詩

王微

思婦臨高臺。長想憑華軒。弄絃不成曲。哀歌送苦言。箕箒留  
江介。良人處。鴈門詎。憶無衣。苦但知。狐白溫。日暗牛羊下。野  
雀滿空園。孟冬寒風起。東壁正中昏。朱火獨照人。抱景自愁  
怨。誰知心曲亂。所思不可論。

數詩

鮑昭

一身仕關西。家族滿山東。二年從車駕。齋祭甘泉宮。三朝國  
慶畢。休沐還舊邦。四牡曜長路。輕蓋若飛鴻。五侯相餞送。高  
會集新豐。六樂陳廣坐。組帳揚春風。七盤起長袖。庭下列歌  
鐘。八珍盈彫俎。綺肴分錯重。九族共瞻遲。賓友仰徽容。十載

學無就。善宦一朝通。

翫月城西門廨中

鮑昭

始出西南樓。纖纖如玉鈎。未映東北墀。娟娟似蛾眉。蛾眉蔽  
珠櫳。玉鈎隔瑣牕。三五二八時。千里與君同。夜移衡漢落。徘  
徊帷戶中。歸華先委露。別葉早辭風。客遊厭苦辛。仕子倦飄  
塵。休澣自公日。宴慰及私辰。蜀琴抽白雪。郢曲發陽春。有乾  
酒未缺。金壺啓夕淪。迴軒駐輕蓋。留酌待情人。

始出尚書省

謝朓

惟昔逢休明。十載朝雲陛。既通金闥籍。復酌瓊筵醴。宸景厭  
照臨。昏風淪繼體。紛虹亂朝日。濁河穢清濟。防口猶寬政。餐  
茶更如薺。英袞暢人謀。文明固天啓。青精翼紫軟。黃旗映朱

邱還覩司隸章復見東都禮中區咸已泰輕生諒昭洒趨事  
辭宮闕載筆陪旌榮邑里向疏蕪寒流自清泚衰柳尚沈沈  
凝露方泥泥零落悲友朋歡虞燕兄弟既秉丹石心寧流素  
絲涕乘此終蕭散垂竿深澗底

直中書省

謝朓

紫殿肅陰陰彤庭赫弘敞風動萬年枝日華承露掌玲瓏結  
綺錢深沉映朱網紅藥當階翻蒼苔依砌七茲言翔鳳池鳴  
珮多清響信美非吾室中園思偃仰朋情以鬱陶春物方駘  
蕩安得凌風翰聊恣山泉賞

觀朝雨

謝朓

朔風吹飛雨蕭條江上來既灑自常觀復集九成臺空濛如

薄霧散漫似輕埃平明振衣坐重門猶未開耳目暫無擾懷  
古信悠哉戢翼希驥首乘流畏曝鱖動息無兼遂岐路多徘徊  
徇方同戰勝者去翦北山萊

郡內登望

謝朓

借問下車日匪直望舒圓寒城一以眺平楚正蒼然山積陵  
陽阻溪流春穀泉威紆距遙甸嶮岳帶遠天切切陰風暮柔  
柘起寒煙悵望心已極恂怛魂屢遷結髮倦爲旅平生早事  
邊誰規鼎食盛寧要狐白鮮方棄汝南諾言稅遼東田

和伏武昌登孫權故城

謝朓

炎靈遺劍璽當塗駭龍戰聖期缺中壤霸功興寓縣鵠起登  
吳山鳳翔陵楚甸衿帶窮巖險帷帟盡謀選北拒滌驂鏃西

龕收組練。江海既無波。俯仰流英盼。表見類禋郊。卜揆崇離  
殿。鈞臺臨講閣。樊山開廣譙。文物共葳蕤。聲明且蔥蒨。三光  
厭分景。書軌欲同薦。參差世祀忽。寂寞市朝變。舞館識餘基。  
歌梁想遺轉。故林衰木平。荒池秋草徧。雄圖悵若茲。茂宰深  
遐睠。幽客滯江臯。從賞乖纓弁。清卮阻獻酬。良書限聞見。幸  
籍芳音多。承風采餘綯。于役儻有期。鄂渚同游衍。

和王著作八公山詩

謝朓

二別阻漢城。雙嶂望河澳。茲嶺復嶢峒。分區奠淮服。東限琅  
邪臺。西距孟諸陸。阡眠起雜樹。檀欒蔭修竹。日隱澗疑空。雲  
聚岫如覆。出沒眺樓雉。遠近送春日。戎州昔亂華。素景淪伊  
穀。出危賴宗衮。微管寄明牧。長蛇固能翦。奔鯨自此曝。道峻

芳塵流業遙。年運倏平生。仰令圖吁嗟。命不淑。浩蕩別親知。  
連翩戒征軸。再遠館娃宮。兩去河陽谷。風煙四時犯。霜雨朝  
夜沐。春秀良已凋。秋場庶能築。

和徐都曹

謝朓

宛洛佳遨遊。春色滿皇州。結軫青郊路。迴瞰蒼江流。日華川  
上動。風光草際浮。桃李成蹊徑。桑榆蔭道周。東都已倣載。言  
歸望綠疇。

和王主簿怨情

謝朓

掖庭聘絕國。長門失歡宴。相逢詠薜蘿。無辭籠悲班。扇花叢亂  
數蝶。風簾入雙燕。徒使春帶賒。坐惜紅裝變。平生一顧重。宿  
昔千金賤。故人心尚爾。故心人不見。

和謝宣城

沈約

王喬飛鳧。馬東方金馬門。從宦非宦侶。避世不避喧。揆余發  
皇容。短翮屢飛翻。晨趨游建禮。晚沐臥郊園。賓至下塵榻。憂  
來命綠罇。昔賢作時雨。今守馥蘭蓀。神交疲夢寐。路遠隔思  
存。牽拙謬東汜。浮情及西崑。顧循良非薄。何以儷璵璠。將隨  
渤澥去。刷羽汎清源。

應王中丞思遠詠月

沈約

月華臨靜夜。夜靜滅氛埃。方擘竟戶入。圓影隙中來。高樓切  
思婦。西園游上才。網軒映朱綬。應門照綠苔。洞房殊未曉。清  
光信悠哉。

冬節後至丞相第詣世子車中作

沈約

廉公失權勢。門館有虛盈。貴賤猶如此。況乃曲池平。高車塵  
未滅。珠履故餘聲。賓階綠錢滿。客位紫苔生。誰當九原上。鬱  
鬱望佳城。

學省愁臥

沈約

秋風吹廣陌。蕭瑟入南闌。愁人掩軒臥。高窻時動扉。虛館清  
陰滿。神宇曖微微。網蟲垂戶織。夕鳥傍欄飛。纓珮空為忝。江  
海事多違。山中有桂樹。歲暮可言歸。

詠湖中鴈

沈約

白水蒲春塘。旅鴈每迴翔。嗷流牽弱藻。欽翮帶餘霜。羣浮動  
輕浪。單泛逐孤光。懸飛竟不下。亂起未成行。刷羽同搖漾。  
舉還故鄉。

三月三日率爾成篇

沈約

麗口屬元巳年芳具在斯。開花已中樹流鶯。復蒲枝洛陽繁。  
華子長安輕薄兒。東出千金堰。西臨鴈鷺陂。游絲映空轉高。  
楊拂地垂綠。噴文照耀紫。燕光陸離。清晨戲伊水。薄暮宿蘭。  
池象筵鳴寶瑟。金瓶汎羽卮。寧憶春蠶起。日暮桑欲萎。長袂。  
屢以拂彫胡。方自炊愛而不可見。宿昔減容儀。且當忘情去。  
歎息獨何爲。

擬古詩十一首

陸機

擬行行重行行

悠悠行邁遠。戚戚憂思深。此思亦何思。思君微與音。音微日。  
夜離。緬邈若飛沈。王鮪懷河岫。晨風思北林。游子眇天末。遠。  
期不可尋。驚飈蹇反信。歸雲難寄音。佇立想萬里。沈憂萃我。  
心。攬衣有餘帶。循形不盈衿。去去遺情累。安處撫清琴。

擬今日良宴會

閑夜命懽友。置酒迎風館。齊僮梁甫吟。秦娥張女彈。哀音繞。  
棟宇。遺響入雲漢。四坐咸同志。羽觴不可算。高譚一何綺。蔚。  
若朝霞爛。人生無幾何。爲樂常苦晏。譬彼伺晨鳥。揚聲當及。  
旦。曷爲恒憂苦。守此貧與賤。

擬迢迢牽牛星

昭昭清漢暉。粲粲光天步。牽牛西北廻。織女東南顧。華容一。  
何冶。揮手如振素。怨彼河無梁。悲此年歲暮。鼓彼無良緣。皖。  
焉不得度。引領望大川。雙涉如霑露。

擬涉江采芙蓉

上山采瓊藥，穹谷饒芳蘭。采采不盈掬，悠悠懷所歡。故鄉一何曠，山川阻且難。沈思鍾萬里，躑躅獨吟歎。

擬青青河畔草

靡靡江離草，熠熠生河側。皎皎彼姝女，阿那當軒織。粲粲妖容姿，灼灼美顏色。良人游不歸，偏棲獨隻翼。空房來悲風，中夜起歎息。

擬明月何皎皎

安寢北堂上，明月入我牖。照之有餘暉，攬之不盈手。涼風繞曲房，寒蟬鳴高柳。踟躕感節物，我行永已久。游宦會無成，離思難常守。

擬蘭若生朝陽

嘉樹生朝陽，凝霜封其條。執心守時信，歲寒終不彫。美人何其曠，灼灼在雲霄。隆想彌年月，長嘯入飛颺。引領望天末，譬彼向陽翹。

擬青青陵上柏

冉冉高陵蘋，習習隨風翰。人生當幾時，譬彼濁水瀾。戚戚多滯念，置酒宴所歡。方駕振飛轡，遠游入長安。名都一何綺，城闕鬱盤桓。飛閣纓虹帶，曾臺冒雲冠。高門羅北闕，甲第椒與蘭。俠客控絕景，都人駮玉軒。遨遊放情願，慷慨為誰歎。

擬東城一何高

西山何其峻，曾曲鬱崔嵬。零露彌天墜，蕙葉憑林哀。寒暑相

因襲時逝忽如頽三閭結飛轡大耋嗟落暉曷爲牽世務中  
心若有違京洛多妖麗玉顏侔瓊蕤閉夜撫鳴琴惠音清且  
悲長歌赴促節哀響逐高徽一唱萬夫歎再唱梁塵飛思爲  
河曲鳥雙遊豐水湄

擬西北有高樓

高樓一何峻迢迢峻而安綺窻出塵冥飛陛躡雲端佳人撫  
琴瑟纖手清且閑芳氣隨風結哀響馥若蘭玉容誰得顧傾  
城在一彈佇立望日昃躑躅再三歎不怨佇立久但願歌者  
歡思駕歸鴻羽比翼雙飛翰

擬庭中有奇樹

歡友蘭時往迢迢匿音微虞淵引絕景四節逝若飛芳草久

已茂作人竟不歸躑躅遵林渚惠風入我懷感物戀所歡采  
此欲貽誰

擬明月皎夜光

歲暮涼風發昊天肅明明招搖西北指天漢東南傾朗月照  
閑房蟋蟀吟戶庭翻翻歸鴈集嘒嘒寒蟬鳴疇昔同宴友翰  
飛戾高冥服美改聲聽居愉遺舊情織女無機杼大梁不架  
楹

擬四愁詩七言

張載

我所思兮在營州欲往從之路阻修登崖遠望涕泗流我之  
懷矣心傷憂佳人遺我綠綺琴何以贈之雙南金願因流波  
超重深終然莫致增永吟

擬古詩五言

陶潛

日暮天無雲。春風扇微和。佳人美清夜。達曙酣且歌。歌竟長歎息。持此感人多。明明雲間月。灼灼葉中花。豈無一時好。不久當如何。

擬魏太子鄴中集八首

并序

謝靈運

建安末。余時在鄴宮。朝游夕讌。究歡愉之極。天下良辰美景。賞心樂事。四者難并。今昆弟友朋。二三諸彥。共盡之矣。古來此娛。書籍未見。何者。楚襄王時。有宋玉。唐景梁孝王時。有鄒枚巖。馬遊者美矣。而其主不文。漢武帝時。徐樂諸才。備應對之能。而雄猜多忌。豈獲晤言之適。不誣。方將庶必賢於今日。爾歲月如流。零落將盡。撰文懷人。感往增愴。其辭曰。

魏太子

百川赴巨海。衆星環北辰。照灼爛霄漢。遙裔起長津。天地中橫潰。家王拯生民。區宇既滌蕩。羣英必來臻。忝此欽賢性。由來常懷仁。況值衆君子。傾心隆日新。論物靡浮說。析理實敷陳。羅縷豈闕辭。窈窕究天人。澄觴滿金罍。連榻設華茵。急絃動飛聽。清歌拂梁塵。何言相遇易。此歡信可珍。

王粲

家本秦川。貴公子孫。遭亂流寓。自傷情多。幽厲昔崩。亂桓靈今。板蕩伊洛。既燎煙函。峭沒無像。整裝辭秦川。秣馬赴楚壤。沮漳自可。美客心非外。獎常歎詩人。言式微。何由往。上宰奉皇靈。侯伯咸宗長。雲騎亂漢南。宛鄧皆掃。



盪排霧屬盛明披雲對清朗慶泰欲重疊公子特先賞不謂  
息肩願一旦值明兩並載遊鄴京方舟汎河廣綢繆清讌娛  
寂寥梁棟響既作長夜飲豈願乘日養

陳琳

袁本初書記之士故述喪亂事多

皇漢逢屯遭天下遭氛慝董氏淪關西袁家擁河北單民易  
周章窘身就羈勒豈意事乖已永懷戀故國相公實勤王信  
能定螫賊復覩東都輝重見漢朝則餘生幸已多矧迺值明  
德愛客不告疲飲讌遺景刻夜聽極星爛朝遊窮曠黑哀哇  
動梁埃急觴盪幽默且盡一日娛莫知古來感

徐幹

少無宦情有箕穎之心事故仕世多素辭

伊昔家臨淄提携弄齊瑟置酒飲膠東淹留憩高密此歡謂  
可終外物始難畢搖蕩箕濮情窮年迫憂慄未塗幸休明棲  
集建薄質已免負新苦仍游椒蘭室清論事究萬美話信非  
一行觴奏悲歌永夜繫白日華屋非蓬居時髦豈余匹中飲  
顧昔心悵焉若有失

劉楨

卓犖偏人而文最有氣所得頗經奇

貧居晏里閑少小長東平河交當衝要淪漂薄許京廣川無  
逆流招納則羣英北渡黎陽津南登紀郢城既覽古今事頗  
識治亂情歡友相解達敷奏究平生矧荷明哲顧知深覺命

輕朝遊牛羊。下暮坐。括揭鳴。終歲非一日。傳厄弄新聲。辰事  
既難諧。歡願如今并。唯羨肅肅翰。續紛戾高冥。

應場

汝穎之士。流離世故。頗有飄薄之歎。

噉噉雲中鴈。舉翮自委羽。求涼羽水湄。違寒長沙渚。顧我梁  
川時。緩步集。穎許。一旦逢世難。淪薄恒羈旅。天下昔未定。託  
身早得所。官度廁一卒。烏林預艱阻。晚節值衆賢。會同此天  
宇。列坐廕。華棖。金樽盈清醕。始奏延露曲。繼以闌夕語。調笑  
輒酬答。嘲諢無慚沮。傾軀無遺慮。在心良已叙。

阮瑀

管書記之任。故有優渥之言。

河洲多沙塵。風悲黃雲起。金羈相馳逐。騶何窮。已慶雲惠  
優渥。微薄攀多士。念昔渤海時。南皮戲清池。今復河山遊。鳴  
葭汎蘭汜。躡步陵丹梯。並坐侍君子。妍談既愉心。哀弄信睦  
耳。傾醕係芳醕。酌言豈終始。自從食蒹葦。來唯見今日美。

平原侯植

公子不及世事。但美遨遊。然頗有憂生之嗟。

朝遊登鳳閣。日暮集華沼。傾柯引弱枝。攀條摘蕙草。徙倚窮  
騁望。目極盡所討。西顧太行山。北眺邯鄲道。平衢修且直。白  
楊信裊裊。副君命飲宴。歡娛寫懷抱。良遊匪晝夜。豈云晚與  
早。衆賓悉精妙。清辭灑蘭藻。哀音下迴鶻。餘哇徹清昊。中山  
不知醉。飲德方覺飽。願以黃髮期。養生念將老。

傲曹子建樂府白馬篇

袁淑

劍騎何翩翩長安五陵間秦地天下樞入方湊才賢荆魏多  
壯士宛洛富少年意氣深自負肯事郡邑權籍籍關外來車  
徒傾國鄜五侯競書幣羣公嗚爲言義分明於霜信行直如  
弦交歡池陽下畱宴汾陰西一朝許人諾何能坐相捐彫節  
去函谷投珮出甘泉嗟此務遠圖心爲四海懸但營身意遂  
豈校耳目前俠烈良有聞占來共知然

傲古

袁淑

醉此倦遊上本家自遼東昔隸李將軍十載事西戎結車高  
關下極望見雲中四面各千里從橫起嚴風寒燠豈如節霜  
雨多異同夕寐北河陰夢還甘泉宮勤役未云已壯年徒爲

空延知古時人所以悲轉蓬

擬古一首

劉鑠

擬行行重行行

眇眇陵長道遙遙行遠之回車背京里揮手從此辭堂上流  
塵生庭中綠草滋寒蟬翔水曲秋兔依山基芳年有華月佳  
人無還期日夕涼風起對酒長相思悲發江南調憂委子衿  
詩臥覺明燈晦坐見輕紈縑淚容不可飾幽鏡難復治願垂  
薄暮景照妾桑榆時

擬明月何皎皎

落宿半遙城浮雲藹層闕玉宇來清風羅帳延秋月結思想  
伊人沈憂懷明發誰爲客行久屢見流芳歇河廣川無梁山

高路難越

和琅邪王依古

王僧達

少年好馳俠，旅宦遊關源。既踐終古跡，聊訊興亡言。隆周爲  
藪澤，皇漢成山樊。久沒離宮地，安識壽陵園。仲秋邊風起，孤  
蓬卷霜根。白日無精景，黃沙千里昏。顯軌莫殊轍，幽塗豈異  
魂。聖賢良已矣，抱命復何怨。

擬古三首

鮑昭

幽并重騎射，少年好馳逐。帶佩雙鞬，象弧插彤服。獸肥春  
草短，飛鞚越平陸。朝遊鴈門上，暮還樓煩宿。石梁有餘勁，驚  
雀無全目。漢虜方未和，邊城屢翻覆。留我一白羽，將以分虎  
竹。

魯客事楚王，懷金襲丹素。既荷主人恩，又蒙令尹顧。日晏罷  
朝歸，輿馬塞衢路。宗黨生光華，賓僕遠傾慕。富貴人所欲，道  
得亦何懼。南國有儒生，迷方獨淪誤。伐木清江湄，設罝守龜  
兔。

十五諷詩書，篇翰靡不通。弱冠忝多士，飛步遊秦宮。側觀君  
子論，預見古人風。兩說窮舌端，五車摧筆鋒。羞當白璧恥，恥  
受聊城功。晚節從世務，乘障遠和戎。解佩襲犀渠，卷袂奉盧  
弓。始願力不及，安知今所終。

學劉公幹體

鮑昭

胡風吹朔雪，千里度龍山。集君瑤臺裏，飛舞兩楹前。茲辰自  
爲美，當避豔陽年。豔陽桃李節，皎潔不成妍。

代君子有所思

西山登雀臺東下望雲闕層閣蕭天居馳道直如髮繡菟結  
飛霞璇題納行月築山擬蓬壺穿池類浪渤選色遍齊代徵  
聲巾叩越陳鐘陪夕譙笙歌待明發年貌不可還身意會盈  
歇蟻壤漏山阿絲淚毀金骨器惡含蒲歌物忌厚生沒智哉  
衆多士服理辨昭昧

傲古

范雲

寒沙四面平飛雪千里驚風斷陰山樹霧失交河城朝驅左  
賢陣夜薄休屠營昔事前軍幕今逐嫖姚兵失道刑既重遲  
留法未輕所賴今天子漢道日休明

雜體詩二十首

五言并序

江淹

大楚謠漢風既非一骨魏製晉造固亦一體譬猶藍朱成彩  
雜錯之變無窮宮商爲首靡曼之態不極故蛾眉詎同貌而  
俱動於魄芳草寧共氣而皆悅於魂不其然歟至於世之諸  
賢各滯所迷莫不論甘而忌辛好丹而非素豈所謂通方廣  
恕好遠兼愛者哉及公幹仲宣之論家有曲直安仁士衡之  
評人立矯抗况復殊於此者乎又貴遠賤近人之常情重耳  
輕目俗之恒蔽是以邯鄲託曲於李奇士季假論於嗣宗此  
其效也然五言之興諒非賈古但關西鄴下既已罕同河外  
江南頗爲異法故玄黃經緯之辨金碧沈浮之殊僕以爲亦  
合其美並善而已今作二十首詩數其文體雖不足品藻淵  
流庶亦無乖商榷云爾

古別離

遠與君別者。乃至鴈門關。黃雲蔽千里。遊子何時還。送君如昨日。簷前露已圓。不惜蕙草晚。所悲道里寒。君在天一涯。妾身長別離。願一見顏色。不異瓊樹枝。兔絲及水萍。所寄終不移。

李都尉從軍陵

樽酒送征人。踟躕在親宴。日暮浮雲滋。握手淚如霰。悠悠清川水。嘉魴得所薦。而我在萬里。結髮不相見。袖中有短書。願寄雙飛鷺。

班婕妤 詠扇

紉彩如圓月。出自機中素。畫作秦王女。乘鸞向煙霧。彩色世

所重。雖新不代。故竊愁涼風。至吹我玉階樹。君子恩未畢。零落在中路。

魏文帝 遊宴曹不

置酒坐飛閣。逍遙臨華池。神飈自遠至。左右芙蓉披。綠竹夾清水。秋蘭被幽崖。月出照園中。冠珮相追隨。客從南楚來。為我吹參差。淵魚猶伏浦。聽者未云疲。高文一何綺。小儒安足為。肅肅廣殿陰。雀聲愁北林。眾賓還城邑。何以慰吾心。

陳思王 贈友 曹植

君王禮英賢。不恤千金璧。雙闕指馳道。朱官羅第宅。從容冰井臺。清池映華薄。涼風盪芳氣。碧樹先秋落。朝與佳人期。日夕望青閣。褰裳摘明珠。徙倚拾蕙若。眷我二三子。辭義麗金

獲延陵輕寶劍。季布重然諾。處富不忘貧。有道在葵藿。

劉文學感遇

蒼蒼山中桂。團團霜露色。霜露一何繁。桂枝生自直。橘柚在南國。因君為羽翼。謬蒙聖主私。託身文墨職。丹彩既已過。敢不自彫飾。華月照方池。列坐金殿側。微臣固受賜。鴻恩良未測。

王侍中懷德祭

伊昔值世亂。秣馬辭帝京。既傷蔓草別。方知杖屨情。嶠函復丘墟。莫闕緇橫倫。掉沈涇渭日。暮山河清。蟋蟀依桑野。嚴風吹枯莖。鶴鷺在幽草。客子淚已零。去鄉二十載。幸遭天下平。賢士降嘉賞。金貂服玄纓。侍宴出河曲。飛蓋遊鄴城。朝露

竟幾何。忽如水上萍。君子篤惠義。柯葉終不傾。福履既所綏。千載垂令名。

嵇中散言志康

曰余不師訓。潛志去世塵。遠想出宏域。高步超常倫。靈鳳振羽儀。戢景西海濱。朝食琅玕實。夕飲玉池津。處順故無累。養德乃入神。曠哉宇宙惠。雲羅更四陳。哲人貴識義。大雅明庇身。莊生悟無為。老氏守其真。天下皆得一。名實久相賓。咸池饗爰居。鐘鼓或愁辛。柳惠善直道。孫登庶知人。寫懷良未遠。感贈以書紳。

阮步兵詠懷籍

青鳥海上游。鸞斯高下飛。沈浮不相宜。羽翼各有歸。飄颻可

終年沈澆安是非朝雲乘變化光耀世所希精衛銜木石誰能測幽微

張司空 離情華

秋月映簾櫳懸光入丹墀佳人撫鳴琴清夜守空帷蘭徑少行跡玉臺生網絲庭樹發紅彩閨草含碧滋延佇整綾綺萬里贈所思願垂湛露惠信我皎日期

潘黃門 述哀 岳

青春速天機素秋馳白日美人歸重泉悽愴無終畢殯官已肅清松柏轉蕭瑟俯仰未能別尋念非但一撫衿悼寂寞况然若石失明月入綺窻髮髯想蕙質銷憂非萱草永懷寄夢寐寐夢寐復冥冥何由覩爾形我慚北海術爾無帝女靈駕言

出遠山徘徊泣松銘雨絕無還雲花落豈醒英日月方代序寢興何時平

陸平原 霸宦機

儲后降嘉命恩紀被微身明發眷桑梓永歎懷密親流念辭南滋銜怨別西津驅馬遵淮泗旦夕見梁陳服義追上列矯迹廁官臣朱徽咸髦士長纓皆俊人契闊承華內綢繆踰歲年日暮聊總駕逍遙觀洛川徂沒多拱木宿草陵寒煙遊子易感愴躑躅還自憐願言寄三鳥離思非徒然

左記室 詠史思

韓公淪賣藥梅生隱市門百年信在再何用苦心魂當學衛霍將建功在河源珪組賢君躬青紫明主恩終軍才始達賈



誼位方尊。金張服貂冕。計史乘華軒。王侯貴片議。公卿重一言。太平多歡娛。飛蓋東都門。顧念張仲蔚。蓬蒿滿中園。

張黃門 苦雨 協

丹霞蔽陽景。綠泉涌陰渚。水鶴巢層甍。山雲潤柱礎。有弁興春節。愁霖貫秋序。燮燮涼葉奪。戾戾颶風舉。高談玩四時。索居慕儔侶。青苔日夜黃。芳蕤成宿楚。歲暮百慮交。無以慰延佇。

劉太尉 傷亂 琨

皇晉遭陽九。天下橫氛霧。秦趙值薄蝕。幽并逢虎據。伊余荷寵靈。感激狗馳驚。雖無六奇術。冀與張韓遇。甯戚扣角歌。桓公遭乃舉。苟息冒險難。實以忠貞故。空令日月逝。愧無古人度。飲馬出城濠。北望沙漠路。千里何蕭條。白日隱寒樹。投袂旣憤懣。撫枕懷百慮。功名惜未立。玄髮已改素。時哉苟有會。治亂惟冥數。

盧郎中 感交 謙

大厦須異材。廊廟非庸器。英俊著世功。多士濟斯位。眷顧成綢繆。迺與時髦匹。姻媾久。不虛契闊。豈但一逢厄。旣已同處危。非所恤。常慕先達。槩觀古論得失。馬服爲趙將。疆場得清謚。信陵佩魏印。秦兵不敢出。慨無幄中策。徒慚素絲質。羈旅去舊鄉。感遇踰琴瑟。自顧非杞梓。勉力在無逸。更以畏友朋。濫吹乖名實。

郭弘農 遊仙 璞

崦山多靈草。海濱饒奇石。偃蹇尋青雲。隱淪駐精魄。道人讀  
丹經。方士鍊玉液。朱霞入窻牖。耀靈照空隙。傲睨摘木芝。陵  
波采水碧。眇然萬里遊。矯掌望煙客。永得安期術。豈愁濛汜  
迫。

張廷尉雜述綽

太素既已分。吹萬著形兆。寂動苟有源。因謂殤子。天道喪涉  
千載。津梁誰能了。思乘扶搖翰。卓然凌風矯。靜觀尺椽義。理  
足未嘗少。罔罔秋月明。憑軒詠堯老。浪迹無蚩妍。然後君子  
道。領略歸。致南山有綺皓。交臂久變化。傳火乃薪草。亶亶  
玄思清。胷中去。機巧物我俱忘懷。可以狎鷗鳥。

許徵君自序詢

張子闇內機。單生蔽外像。一時排冥筮。泠然空中賞。遣此弱  
喪情。資神任獨往。采藥白雲隈。聊以肆所養。丹葩曜芳藜。綠  
竹陰閑敞。茗茗寄意勝。不覺陵虛上。曲樞激餘飈。石室有幽  
響。去矣從所欲。得失非外獎。至哉操斤客。重明固已朗。五難  
既灑落。超跡絕塵網。

殷東陽興囑仲文

晨遊任所萃。悠悠蘊真趣。雲天亦遼亮。時與賞心遇。青松挺  
秀萼。薰色出喬樹。極眺清波深。緬映石壁素。瑩情無餘滓。拂  
衣釋塵務。求仁既自我。玄風豈外慕。直置忘所宰。蕭散得遺  
慮。

謝僕射遊覽混

信矣勞物化。憂衿未能整。薄言遵郊衢。總轡出臺省。淒淒節序高。寥寥心悟永。時菊耀巖阿。雲霞冠秋嶺。眷然惜良辰。徘徊踐落景。卷舒雖萬緒。動復歸有靜。曾是迫桑榆。歲暮從所乘。舟壑不可攀。忘懷寄匠郢。

陶徵君田居潛

種苗在東臯。苗生滿阡陌。雖有荷鋤倦。濁酒聊自適。日暮中柴車。路闇光已夕。歸人望煙火。稚子候檐隙。問君亦何爲。百年會有役。但願桑麻成。蠶月得紡績。素心正如此。開徑望三益。

謝臨川遊山靈運

江海經瀟迴。山嶠備盈缺。靈境信淹留。賞心非徒設。平明登

雲峯杳與廬。霍絕碧鄣長。周流金潭恒。澄澈桐林帶。晨霞石壁映。初晰乳竇既。滴瀝丹井復。寥泬岳嶧轉。奇秀岑峯還。相蔽赤玉隱。瑤溪雲錦被。沙汭夜聞猩猩啼。朝見麕鼠逝。南中氣候暖。朱華陵白雪。幸遊建德鄉。觀奇經禹穴。身名竟誰辨。圖史終磨滅。且泛桂水潮。映月遊海滌。攝生貴處順。將爲智者說。

顏特進侍宴延之

太微凝帝宇。瑤光正神縣。揆日祭書史。相都麗聞見。列漢構仙宮。開天製寶殿。桂棟留夏飈。蘭橈停冬霰。靄青林結冥濛。丹巘被蔥蒨。山雲備卿霽。池卉具靈變。重陽集清氛。下輦降玄宴。驚望分寰遂。曠日盡都甸。氣生川岳陰。煙滅淮海見。中坐

文選正文卷之十一  
溢朱組步欄造瓊弁禮登佇睿情樂闕延皇躬測恩躋愉逸  
泂牒懽浮賤榮重餽兼金巡華過盈璵敢飾輿人詠方慚綠  
水薦

謝法曹贈別惠連

昨發赤亭渚今宿浦陽汭方作雲峯異豈伊千里別芳塵未  
歇席泫淚猶在袂停鱸望極浦弭棹阻風雪風雪既經時夜  
永起懷思汎濫北湖遊岩亭南樓期點翰詠新賞開泰瑩所  
疑摘芳愛氣馥拾藥憐色滋色滋畏沃若人事亦銷錄子矜  
怨勿往谷風誚輕薄共乘延州信無慚仲路諾靈芝望三秀  
孤筠情所託所託已殷勤祇足攬懷人今行嘒唳外銜思至  
海濱覲子杳未偈款睇在何辰雜珮雖可贈疏華竟無陳無

陳心惰勞旅人豈遊遨幸及風雪霽青春滿江臯解纜候前  
侶還望方鬱陶煙景若離遠未響寄瓊瑤

王徵君養疾微

窈謁瀟湘空翠礪澹無滋寂歷百草晦欬吸鷓鴣悲清陰往  
來遠月華散前墀鍊藥矚虛幌汎瑟臥遙帷水碧驗木豔金  
膏靈詎緇北渚有帝子蕩漾不可期悵然山中暮懷疴屬此  
詩

袁太尉從駕淑

官廟禮哀敬粉邑道嚴玄恭潔由明祀肅駕在祈年詔徒登  
季月戒鳳藻行川雲旆象漢徙宸網擬星懸朱權麗寒渚金  
鏤映秋山羽衛藹流景綵吹震沈淵辨詩測京國履籍鑑都

壘。萌。蕭。響。玉。律。邑。頌。被。丹。絃。文。軫。薄。桂。海。聲。教。燭。冰。天。和。惠。  
頒。上。芻。恩。渥。浹。下。筵。幸。侍。觀。洛。後。豈。慕。巡。河。前。服。義。方。無。沫。  
展。歌。殊。未。宣。

謝光祿郊遊壯

蕭。舲。出。郊。際。徙。樂。逗。江。陰。翠。山。方。藹。藹。青。浦。正。沈。沈。涼。葉。照。  
沙。嶼。秋。榮。冒。水。濤。風。散。松。架。險。雲。鬱。石。道。深。靜。默。鏡。懸。野。四。  
睇。亂。曾。岑。氣。清。知。鴈。引。露。華。識。援。音。雲。裝。信。解。徽。煙。駕。可。辭。  
金。始。整。丹。泉。術。終。覲。紫。芳。心。行。光。自。容。裔。無。使。弱。思。侵。

鮑參軍戎行昭

豪。士。枉。尺。璧。宵。人。重。恩。光。狗。義。非。爲。利。執。羈。輕。去。鄉。孟。冬。郊。  
祀。月。殺。氣。起。嚴。霜。戎。馬。粟。不。煖。軍。士。冰。爲。漿。晨。上。城。臯。坂。磧。

礫。皆。羊。腸。寒。陰。籠。白。日。大。谷。晦。蒼。蒼。息。徒。稅。征。駕。倚。劔。臨。八。  
荒。鷓。鴒。不。能。飛。玄。武。伏。川。梁。鍛。翻。出。時。至。感。物。聊。自。傷。豎。儒。  
守。一。經。未。足。識。行。藏。

休上人怨別

西。北。秋。風。至。楚。客。心。悠。哉。日。暮。碧。雲。合。佳。人。殊。未。來。露。彩。方。  
泛。豔。月。華。始。徘徊。寶。書。爲。君。掩。瑤。琴。詎。能。開。相。思。巫。山。渚。悵。  
望。陽。雲。臺。膏。鑪。絕。沈。燎。綺。席。生。浮。埃。桂。水。日。千。里。因。之。平。生。  
懷。

騷類

離騷經

屈原

帝。高。陽。之。苗。裔。兮。朕。皇。考。曰。伯。庸。攝。提。貞。于。孟。陬。兮。惟。庚。寅。

吾以降皇覽揆余于初度兮肇錫余以嘉名名余曰正則兮  
字余曰靈均紛吾既有此內美兮又重之以修能扈江離與  
薜芷兮紉秋蘭以爲佩汨余若將不及兮恐年歲之不吾與  
朝搴阰之木蘭兮夕攬洲之宿莽日月忽其不淹兮春與秋  
其代序惟草木之零落兮恐美人之遲暮不撫壯而棄穢兮  
何不改其此度也乘騏驥以馳騁兮來吾導夫先路昔二后  
之純粹兮固衆芳之所在雜申椒與菌桂兮豈維紉夫蕙茝  
彼堯舜之耿介兮既遵道而得路何桀紂之昌披兮夫唯捷  
徑以窘步惟黨人之偷樂兮路幽昧以險隘豈余身之憚殃  
兮恐皇輿之敗績忽奔走以先後兮及前王之踵武荃不察  
余之中情兮反信讒而齊怒余固知謇謇之爲患兮恐而不

能舍也指九天以爲正兮夫唯靈脩之故也初既與余成言  
今後悔遜而有佗余既不難離別兮傷靈脩之數化余既滋  
蘭之九畹兮又樹蕙之百畝畦畱夷與揭車兮雜杜蘅與芳  
芷冀枝葉之峻茂兮願埃時乎吾將刈雖萎絕其亦何傷兮  
哀衆芳之蕪穢衆皆競進以貪婪兮憑不厭乎求索羌內恕  
已以量人兮各興心而嫉妬忽馳騫以追逐兮非余心之所  
急老冉冉其將至兮恐脩名之不立朝飲木蘭之墜露兮夕  
餐秋菊之落英苟余情其信姱以練要兮長願領亦何傷攀  
木根以結茝兮貫薜荔之落葉矯菌桂以紉蕙兮索胡繩之  
纒纒蹇吾法夫前修兮非時俗之所服雖不周於今之人兮  
願依彭咸之遺則長太息以掩涕兮哀人生之多艱余雖好

脩姱以鞿羈兮。蹇朝諝而夕替。既替余以蕙纒兮。又申之以  
攬。莖亦余心之所善兮。雖九死其猶未悔。怨靈脩之浩蕩兮。  
終不察夫人心。衆女嫉余之蛾眉兮。謠詠謂余以善淫。固時  
俗之工巧兮。何規矩而改錯。背繩墨以追曲兮。競周容以爲  
度。忼鬱悒余侘傺兮。吾獨窮困乎此時也。寧溘死以流亡兮。  
余不忍爲此態也。鸞鳥之不羣兮。自前世而固然。何方圓之  
能周兮。夫孰異道而相安。屈心而抑志兮。忍尤而攘詬。伏清  
白以死直兮。固前聖之所厚。悔相道之不察兮。延佇乎吾將反。  
迴朕車以復路兮。及行迷之未遠。步余馬於蘭皋兮。馳椒丘  
且焉止息。進不入以離尤兮。退將復修吾初服。製芰荷以爲  
衣兮。集芙蓉以爲裳。不吾知其亦已兮。苟余情其信芳。高余

冠之岌岌兮。長余佩之陸離。芳與澤其雜糅兮。唯昭質其猶  
未虧。忽反顧以游目兮。將往觀乎四荒。佩繽紛其繁飾兮。芳  
菲菲其彌章。人生各有所樂兮。余獨好修以爲常。雖體解吾  
猶未變兮。豈余心之可懲。女嬃之嬋媛兮。申申其詈予。曰鮪  
婞直以亡身兮。終然天乎羽之野。汝何博謇而好修兮。紛獨  
有此姱節。薜蘿施以盈室兮。判獨離而不服。衆不可戶說兮。  
孰云察余之中情。世並舉而好朋兮。夫何鞿獨而不予聽。依  
前聖之節中兮。喟憑心而歷茲。濟沅湘以南征兮。就重華而  
陳詞。啓九辯與九歌兮。夏康娛以自縱。不顧難以圖後兮。五  
子用失乎家巷。羿淫遊以佚田兮。又好射夫封狐。固亂流其  
鮮終兮。汨又貪夫厥家。澆身被服疆圉兮。縱欲而不忍。日康

效選山文卷之七  
娛而自忘兮厥首用夫顛隕夏桀之常違兮乃遂焉而逢殃  
后辛之菹醢兮殷宗用而不長湯剴嚴而祗敬兮周論道而  
莫差舉賢而授能兮脩繩墨而不頗皇天無私阿兮覽人德  
焉錯輔夫維聖哲以茂行兮苟得用此下土瞻前而顧後兮  
相觀人之計極夫孰非義而可用兮孰非善而可服嗚余身  
而危死兮覽余初其猶未悔不量鑿而正柄兮固前脩以菹  
醢曾歔歔余鬱悒兮哀朕時之不當攬茹蕙以掩涕兮露余  
襟之浪浪跪敷衽以陳辭兮耿吾旣得此中正駟玉虬以乘  
鸞兮溘埃風余上征朝發軔於蒼梧兮夕余至乎縣圃欲少  
留此靈璫兮日忽忽其將暮吾令羲和弭節兮望崦嵫而勿  
迫路漫漫其脩遠兮吾將上下而求索飲余馬於咸池兮總

余轡乎扶桑折若木以拂日兮聊逍遙以相羊前望舒使先  
驅兮後飛廉使奔屬鸞皇爲余先戒兮雷師告余以未具吾  
令鳳皇飛騰兮又繼之以日夜飄風屯其相離兮帥雲霓而  
來御紛總總其離兮班陸離其上下吾令帝閭闢關兮倚  
閭闔而望予時曖曖其將罷兮結幽蘭而延佇世溷濁而不  
分兮好蔽美而嫉妬朝吾將濟於白水兮登閬風而綈馬忽  
反顧以流涕兮哀高丘之無女溘吾遊此春宮兮折瓊枝以  
繼佩及榮華之未落兮相下女之可詒吾令豐隆乘雲兮求  
處妃之所在解佩纓以結言兮吾令蹇脩以爲理紛總總其  
離兮忽緯繡其難遷夕歸次於窮石兮朝濯髮乎滄湄保  
厥美以驕傲兮日康娛以淫遊雖信美而無禮兮來違棄而



改求覽相觀於四極兮周流乎天余乃下望瑤臺之偃蹇兮  
見有娥之佚女吾令鳩爲媒兮鳩告余以不好雄鳩之鳴逝  
兮余猶惡其佻巧心猶豫而狐疑兮欲自適而不可鳳皇既  
受詒兮恐高辛之先我欲遠集而無所止兮聊浮游以逍遙  
及少康之未家兮畱有虞之姚理弱而媒拙兮恐導言之  
不固時溷濁而嫉賢兮好蔽美而稱惡閨中旣以遠遠兮哲  
王又不寤懷朕情而不發兮余焉能忍與此終占索瓊茅以  
筵篲兮命靈氛爲余占之曰兩美其必合兮孰信脩而慕之  
思九州之博大兮豈唯是其有女曰勉遠逝而無狐疑兮孰  
求美而釋女何所獨無芳草兮爾何懷乎故宇時幽昧以眩  
曜兮孰云察余之美惡人好惡其不同兮惟此黨人其獨異

戶服艾以盈要兮謂幽蘭其不可佩覽察草木其猶未得兮  
豈瑾美之能當蘇糞壤以充幃兮謂申椒其不芳欲從靈氛  
之吉占兮心猶豫而狐疑巫咸將夕降兮懷椒糈而饗之百  
神翳其備降兮九疑繽其竝迎皇剌剌其揚靈兮告余以吉  
故曰勉升降以上下兮求矩矱之所同湯禹儼而求合兮擊  
臯繇而能調苟中情其好脩兮何必用夫行媒說操築於傅  
巖兮武丁用而不疑呂望之鼓刀兮遭周文而得舉甯戚之  
謳歌兮齊桓聞以該輔及年歲之未晏兮時亦猶其未央恐  
鷓鴣之先鳴兮使百草爲之不芳何瓊佩之偃蹇兮衆憂然  
而蔽之惟此黨人之不亮兮恐嫉妬而折之時續紛其變易  
兮又何可以淹畱蘭芷變而不芳兮荃蕙化而爲茅何昔日

之芳草兮今直爲此蕭艾也。豈其有他故兮莫好修之害也。余以蘭爲可恃兮羌無實而容長。委厥美以從俗兮苟得引乎衆芳。椒專佞以慢怡兮椒又欲克其佩。嗚既于進而務入兮又何芳之能祗。固時俗之從流兮又孰能無變化。覽椒蘭其若茲兮又況揭車與江離。惟茲佩之可貴兮委厥美而歷茲芳。菲菲而難虧兮芬至今猶未沫。和調度以自娛兮聊浮游而求女。及余飾之方壯兮周流觀乎上下。靈氛既告余以吉占兮歷吉日乎吾將行。折瓊枝以爲羞兮精瓊糜以爲糧。爲余駕飛龍兮雜瑤象以爲車。何離心之可同兮吾將遠逝以自疏。遭吾道夫崑崙兮路脩遠以周流。揚雲霓之晻藹兮鳴玉鸞之啾啾。朝發軔於天津兮夕余至乎西極。鳳皇翼其

承旂兮高翱翔之翼翼。忽吾行此流沙兮遵赤水而容與。麾蛟龍使梁津兮詔西皇使涉予路。脩遠以多艱兮騰衆車使徑待路。不周以左轉兮指西海以爲期。屯余車其千乘兮齊玉軼而泣馳。駕八龍之婉婉兮載雲旗之委移。抑志而弭節兮神高馳之邈邈。奏九歌而舞韶兮聊假日以愉樂。陟皇之赫戲兮忽臨睨夫舊鄉。僕夫悲余馬懷兮蜷局顧而不行。亂曰已矣哉國無人莫我知兮又何懷乎故都。既莫足與爲美政兮吾將從彭咸之所居。

九歌四首

東皇太一

屈原

吉日兮辰良。穆將愉兮上皇。撫長劍兮玉珥。璆鏘鳴兮琳琅。

璠席兮玉璵。盍將把兮瓊芳。蕙肴蒸兮蘭藉。奠桂酒兮椒漿。揚枹兮拊鼓。疏緩節兮安歌。陳竽瑟兮浩倡。靈偃蹇兮姣服。芳菲菲兮濛堂。五音紛兮繁會。君欣欣兮樂康。

雲中君

浴蘭湯兮沐芳華。采衣兮若英。靈連蜷兮既留。爛昭昭兮未央。蹇將憺兮壽宮。與日月兮齊光。龍駕兮帝服。聊翱遊兮周章。靈皇皇兮既降。焱遠舉兮雲中。覽冀州兮有餘。橫四海兮焉窮。思夫君兮太息。極勞心兮憺憺。

湘君

君不行兮夷猶。蹇誰留兮中洲。美要眇兮宜脩。沛吾乘兮桂舟。令沅湘兮無波。使江水兮安流。望夫君兮歸來。吹參差兮

誰思。駕飛龍兮北征。遭吾道兮洞庭。薜荔拍兮蕙綢。承荃橈兮蘭旌。望涔陽兮極浦。橫大江兮揚靈。揚靈兮未極。女嬋媛兮爲余太息。橫流涕兮潺湲。隱思君兮昨側。桂櫂兮蘭棹。斲冰兮積雪。采薜荔兮水中。搴芙蓉兮木末。心不同兮媒勞。恩不甚兮輕絕。石瀨兮淺淺。飛龍兮翩翩。交不忠兮怨長。期不信兮告余以不閒。朝騁騫兮江皋。夕弭節兮北渚。鳥次兮屋上。水周兮堂下。捐余玦兮江中。遺余珮兮澧浦。采芳洲兮杜若。將以遺兮下女。時不可兮再得。聊逍遙兮容與。

湘夫人

帝子降兮北渚。目眇眇兮愁予。嫋嫋兮秋風。洞庭波兮木葉下。登白蘋兮騁望。與佳期兮夕張。鳥萃兮蘋中。罾何爲兮木

上○沉○有○芷○兮○澧○有○蘭○思○公○子○兮○未○敢○言○慌○忽○兮○遠○望○觀○流○水  
兮○潺○湲○麋○何○爲○兮○庭○中○蛟○何○爲○兮○水○裔○朝○馳○余○馬○兮○江○臯○夕  
濟○兮○西○滋○聞○佳○人○兮○召○予○將○騰○駕○兮○借○逝○築○室○兮○水○中○葺○之  
兮○以○荷○蓋○葶○壁○兮○紫○壇○播○芳○椒○兮○成○堂○桂○棟○兮○蘭○檉○辛○夷○楣  
兮○葑○房○罔○薜○荔○兮○爲○帷○綈○擗○兮○旣○張○白○玉○兮○爲○鎮○疏○石○蘭  
以○爲○芳○芷○葺○兮○荷○屋○繚○之○兮○杜○衡○合○百○草○兮○實○庭○建○芳○馨○兮  
廡○門○九○疑○續○兮○竝○迎○靈○之○來○兮○如○雲○捐○余○袂○兮○江○中○遺○余○襟  
兮○澧○浦○塞○汀○洲○兮○杜○若○將○以○遺○兮○遠○者○時○不○可○兮○驟○得○聊○道  
遙○兮○容○與○

九歌二首

屈原

秋○蘭○兮○麝○蕪○羅○生○兮○堂○下○綠○葉○兮○素○華○芳○非○非○兮○襲○予○夫○人

自○有○兮○美○子○孫○何○以○兮○愁○苦○秋○蘭○兮○青○青○綠○葉○兮○紫○莖○滿○堂  
兮○美○人○忽○獨○與○余○兮○日○成○入○不○言○兮○出○不○辭○乘○回○風○兮○載○雲  
旗○悲○莫○悲○兮○生○別○離○樂○莫○樂○兮○新○相○知○荷○衣○兮○蕙○帶○條○而○來  
兮○忽○而○逝○夕○宿○兮○帝○郊○君○誰○須○兮○雲○之○際○與○汝○遊○兮○九○河○衝  
飈○起○兮○水○揚○波○與○汝○沐○兮○咸○池○晡○汝○髮○兮○陽○之○阿○望○美○人○兮  
未○來○臨○風○况○兮○浩○歌○孔○蓋○兮○翠○旌○登○九○天○兮○撫○彗○星○竦○長○劍  
兮○擁○幼○艾○荃○獨○宜○兮○爲○民○正○

右少司命

若○有○人○兮○山○之○阿○被○薜○荔○兮○帶○女○蘿○旣○含○睇○兮○又○宜○笑○子○慕  
予○兮○善○窈○窕○乘○赤○豹○兮○從○文○狸○辛○夷○車○兮○結○桂○旗○被○石○蘭○兮  
帶○杜○衡○折○芳○馨○兮○遺○所○思○余○處○幽○篁○兮○終○不○見○天○路○險○難○兮

獨後來表獨立兮山之上。雲容容兮而在下。杳杳冥冥兮羌  
晝晦。東風飄兮神靈雨。留靈修兮憺忘歸。歲既晏兮孰華子。  
采三秀兮於山間。石磊磊兮葛蔓蔓。怨公子兮悵忘歸。君思  
我兮不得間。山中人兮芳杜若。飲石泉兮蔭松柏。君思我兮  
然疑作。雷填填兮雨冥冥。猿啾啾兮狄夜鳴。風颯颯兮木蕭  
蕭。思公子兮徒離憂。

右山鬼

九章

屈原

余幼好此奇服兮年既老而不衰。帶長鋏之陸離兮冠切雲  
之崔巍。被明月兮佩寶璐。世溷濁而莫予知兮吾方高馳而  
不顧。駕青虬兮驂白螭。吾與重華遊兮瑤之圃。登崑崙兮食

玉英。與天地兮比壽。與日月兮齊光。哀南夷之莫吾知兮且  
余濟乎江湘。乘鄂渚而反顧兮欸秋冬之緒風。步余馬兮山  
臯。低余車兮方林。乘舸船余上沅兮齊吳榜以擊汰。船容與  
而不進兮淹回水而凝滯。朝發枉渚兮夕宿辰陽。苟余其端  
直兮雖僻遠之何傷。入激浦余遑迴兮迷不知吾之所如。深  
林杳以冥冥兮乃援狄之所居。山峻高以蔽日兮下幽晦以  
多雨。霰雪紛其無垠兮雲霏霏而承宇。哀吾生之無樂兮幽  
獨處乎山中。吾不能變心而從俗兮固將愁苦而終窮。接輿  
髡首兮桑扈羸行。忠不必用兮賢不必以。伍子逢殃兮比干  
菹醢。與前世而皆然兮吾又何怨乎今之人。余將董道而不  
豫兮固將重昏而終身。

涉江

卜居

屈原

屈平既放三年不得復見竭智盡忠蔽鄣於讒心煩意亂不知所從乃往見太卜鄭詹尹曰余有所疑願因先生決之詹尹乃端策拂龜曰君將何以教之屈原曰吾寧悃悃款款朴以忠乎將送往勞來斯無窮乎寧誅鋏草茅以力耕乎將遊大人以成名乎寧正言不諱以危身乎將從俗富貴以媮生乎寧超然高舉以保真乎將呶訾慄斯嗾啾嚙呢以事婦人乎寧廉潔正直以自清乎將突梯滑稽如脂如韋以絮楹乎寧昂昂若千里之駒乎將汜汜若水中之鳧乎與波而下偷以全吾軀乎寧與騏驥抗軌乎將隨騫馬之迹乎寧與黃鵠

比翼乎將與鷄鶩爭食乎此孰吉孰凶何去何從世溷濁而不清蟬翼為重千鈞為輕黃鐘毀棄瓦釜雷鳴讒人高張賢士無名吁嗟嘿嘿今誰知吾之廉貞詹尹乃釋策而謝曰夫尺有所短寸有所長物有所不足智有所不明數有所不逮神有所不通用君之心行君之意龜策誠不能知此事

漁父

屈原

屈原既放遊於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰世人皆濁我獨清眾人皆醉我獨醒是以見放漁父曰聖人不凝滯於萬物而能與世推移世皆濁何不泥其泥而揚其波眾人皆醉何不舖其糟而歆其醨何故深思高舉自令放為屈原曰

吾聞之新沐者必彈冠新浴者必振衣安能以身之察察受  
物之汶汶者乎寧赴湘流葬於江魚腹中安能以皓皓之白  
蒙世俗之塵埃乎漁父莞爾而笑鼓枻而去乃歌曰滄浪之  
水清兮可以濯我纓滄浪之水濁兮可以濯我足遂去不復  
與言

九辯五首

宋玉

悲哉秋之爲氣也蕭瑟兮草木搖落而變衰僚慄兮若在遠  
行登山臨水兮送將歸沈寥兮天高而氣清寂寥兮收潦而  
水清憊悽增歎兮薄寒之中人愴怳憤恨兮去故而就新坎  
壈兮貧士失職而志不平廓落兮羈旅而無友生惆悵兮而  
私自憐燕翩翩其辭歸兮蟬寂寞而無聲鴈噉噉而南遊兮

鷓鴣啁哳而悲鳴獨申旦而不寐兮哀蟋蟀之宵征時豐豐  
而過中兮蹇淹留而無成

悲憂窮蹙兮獨處廓有美一人兮心不釋去鄉離家兮來遠  
客起逍遙兮今焉薄專思君兮不可化君不知兮可奈何蓄  
怨兮積思心煩憺兮忘食事願一見兮道余意君之心兮與  
余異車駕兮竭而歸不得見兮心悲倚結軫兮太息涕潺湲  
兮露軼慷慨絕兮不得中瞽亂兮迷惑私自憐兮何極心忤  
忤兮諒直

皇天平分四時兮竊獨悲此凜秋白露既下降百草兮奄離  
披此梧楸去白日之昭昭兮襲長夜之悠悠離芳藹之方壯  
兮余委約而悲愁秋既先戒以白露兮冬又申之以嚴霜收

文選正文  
恢台之孟夏兮然坎條而沈藏葉菸萑而無色兮枝頽拏而  
交橫顏淫溢而將罷兮柯彷彿而萎黃薊穠慘之可哀兮形  
銷鑠而瘵傷惟其紛糅而將落兮恨其失時而無當攀駢纏  
而下節兮聊逍遙以相羊歲忽忽而道盡兮恐余壽之弗將  
悼余生之不時兮逢此世之倥傯澹容與而獨倚兮蟋蟀鳴  
此西堂心怵惕而震盪兮何所憂之多方仰明月而太息兮  
步列星而極明

竊悲夫蕙華之曾敷兮紛旖旎乎都房何曾華之無實兮從  
風雨而飛颺以爲君獨服此蕙兮嗟無以異於衆芳閔奇思  
之不通兮將去君而高翔心閔憐之慘悽兮願見而有明  
重無怨而生離兮中結軫而增傷豈不鬱陶而思君兮君之

門以九重猛犬狺狺而迎吠兮關梁閉而不通皇天淫溢而  
秋霖兮后土何時而得乾塊獨守此無澤兮仰浮雲而永歎  
何時俗之工巧兮背繩墨而收錯却騏驥而不乘兮策駑駘  
而取路當世豈無騏驥兮誠莫之能善御見執轡者非其人  
兮故駒跳而遠去鳧鴈皆喞夫梁藻兮鳳愈飄翔而高舉圓  
鑿而方枘兮吾固知其鉏鋸而難入衆鳥皆有所登棲兮鳳  
獨遑遑而無所集願銜枚而無言兮嘗被君之渥洽太公九  
十乃顯榮兮誠未遇其匹合謂騏驥兮安歸謂鳳皇兮安棲  
變古易俗兮世衰今之相者兮舉肥騏驥伏匿而不見兮鳳  
皇高飛而不下鳥獸猶知懷德兮何云賢士之不處驥不驟  
進而求服兮鳳亦不貪餒而妄食君棄遠而不察兮雖願忠



其焉得欲寂寞而絕端兮竊不敢忘初之厚德獨悲愁其傷  
人兮憑鬱鬱其何極

招魂

宋玉

朕幼清以廉潔兮身服義而未沫主此盛德兮率於俗而蕪  
穢上無所考此盛德兮長離殃而愁苦帝告巫陽曰有人在  
下我欲輔之鬼鬼離散汝筮予之巫陽對曰掌夢上帝其命  
難從若必筮予之恐後謝之不能復用巫陽焉乃下招曰鬼  
今來歸去君之恒幹何爲乎四方些舍君之樂處而羅彼不  
祥些鬼兮歸來東方不可以託些長人千仞唯鬼是索些十  
日代出流金鑠石些彼皆習之鬼往必釋些歸來歸來不可  
以託些鬼兮歸來南方不可以止些雕題黑齒得人肉以祀

以其骨爲醢些蝮蛇綦綦封狐千里些雄虺九首往來倏忽  
吞人以益其心些歸來歸來不可久淫些鬼兮歸來西方之  
害流沙千里些旋入雷泉靡散而不可止些幸而得脫其外  
曠宇些赤蟻若象玄蠶若壺些五穀不生藁菅是食些其土  
爛人求水無所得些彷徨無所倚廣大無所極些歸來歸來  
恐自遺賊些鬼兮歸來北方不可以止些增冰峨峨飛雪千  
里些歸來歸來不可以久些鬼兮歸來君無上天些虎豹九  
關啄害下人些一夫九首拔木九千些豺狼從目往來佻佻  
些懸人以嬉投之深淵些致命於帝然後得瞑些歸來歸來  
往恐危身些鬼兮歸來君無下此幽都些土伯九約其角鬻  
鬻些敦朕血拇逐人駉駉些參目虎首其身若牛些此皆甘

入歸來歸來恐自遺災此。竟今歸來入脩門此。工祝招君背  
行先此。秦箏齊縷鄭綿絡此。招具該備永嘯呼此。竟今歸來  
反故居此。天地四方多賊姦此。像設君室靜閒安此。高堂邃  
宇檻層軒此。層臺累榭臨高山此。網戶朱綬刻方連此。冬有  
突厦夏室寒此。川谷徑復流潺湲此。光風轉蕙汎崇蘭此。經  
堂人與朱塵筵此。砥室翠翹柱曲瓊此。翡翠珠被爛齊光此。  
翦阿拂壁羅幃張此。纂組綺縞結琦璜此。室中之觀多珍怪  
此。蘭膏明燭華容備此。二八侍宿射遞代此。九侯淑女多迅  
衆此。盛鬋不同制實滿宮此。容態好比順彌代此。弱顏固植  
寒其有意此。姸容脩態組洞房此。蛾眉曼睩日騰光此。靡顏  
膩理遺視睠此。離榭脩幕侍君之間此。翡翠帷翠幃飾高堂此。

紅壁沙版玄玉之梁此。仰觀刻桷畫龍蛇此。坐堂伏檻臨曲  
池此。芙蓉始發雜芰荷此。紫莖屏風文緣波此。文異豹飾侍  
陂陀此。軒轅既低步騎羅此。蘭薄戶樹瓊木籬此。竟今歸來  
何遠爲此。室家遂宗食多方此。稻粢穠麥挈黃粱此。大苦鹹  
酸辛甘行此。肥牛之臄膈若芳此。和酸若苦陳吳羹此。膈鼈  
炮羔有柘漿此。鵠酸臍臠煎鴻鶴此。露鷄臠蠋厲而不爽此。  
秬稷蜜餌有餽餽此。瑤漿蜜勺實羽觴此。挫糟凍飲耐清涼  
此。華酌既陳有瓊漿此。歸來歸來反故居此。敬而無妨此。看羞  
未通女樂羅此。陳鐘按鼓造新歌此。涉江采菱發揚荷此。美  
人既醉朱顏醺此。嫉光眇視目曾波此。被文服纖麗而不奇  
此。長髮曼鬋豔陸離此。二八齊容起鄭舞此。在若交竿撫案

下些等瑟狂會。擗鳴鼓些。宮庭震驚發激楚些。吳歎蔡謳奏  
大呂些。士女雜坐亂而不分些。放陳組纓班其相紛些。鄭衛  
妖玩來雜陳些。激楚之結獨秀先些。篋箴象棊有六博些。分  
曹竝進適相追些。成臯而牟呼五白些。晉制犀比費白日些。  
鏗鐘搖簾揆梓瑟些。娛酒不廢沈日夜些。蘭膏明燭率銜錯  
些。結撰至思蘭芳假些。人有所極同心賦些。耐飲既盡歡樂  
先故些。魂兮歸來反故居些。亂曰。獻歲發春兮。汨吾南征些。  
菴蘋齊葉兮。白芷生些。路貫廬江兮。左長薄倚沼畦瀛兮。遙  
望博青驪結駟兮。齊千乘懸火延起兮。玄顏烝步及驟處兮。  
誘騁先抑驚若通兮。山車右還與王趨夢兮。課後先君王親  
發兮。憚青兕朱明承夜兮。時不可淹。皋蘭被徑兮。斯路漸湛。

湛江水兮。上有楓。目極千里兮。傷春心。覓兮歸來哀江南。

招隱士

劉安

桂樹叢生兮。山之幽。偃蹇連卷兮。枝相繚。山氣隴嵒兮。石嵯  
峨。谿谷蘄巖兮。水曾波。援狻羣嘯兮。虎豹嘯。攀援桂枝兮。聊  
淹留。王孫遊兮。不歸。春草生兮。萋萋。歲暮兮。不自聊。蟋蟀鳴  
兮。啾啾。塊兮。軋。山曲嶠兮。心淹留。兮。恫慌忽。罔兮。沕。僚。虎  
豹。岈。叢薄深林兮。人上慄。欽岑矜礧兮。砢礧。硤。硤。樹輪相糾  
兮。林木茂。翫青莎。雜樹兮。蘋草。霍靡。白鹿麀。麀兮。或騰。或倚。  
狀貌嶮嶮兮。峨峨。淒淒兮。澼澼。獼猴兮。熊羆。慕類兮。以悲。攀  
援桂枝兮。聊淹留。虎豹鬪兮。熊羆咆。禽獸駭兮。其曹。王孫  
兮。歸來山中兮。不可以久留。

